

چیزدکھا کیم

جمعه ایرتسی

نومرو	ذی الحجہ	سنہ	اغستوس	سنہ	صحیفہ
۴۰۸	۱۵	۱۳۰۴	۲۲	۱۳۰۳	۴۴۴۷

- (اشبو غزته بهر هفته جمعه ایرتسی کونلری چیقار سنہ لکی در سعادت ایچون مجیدیه یکر می)
(غروش حسابیله التمش غروشدر طشره لر ایچون اون بش غروش پوسته اجر تی ضم اولنور بهر)
(نسخہ سی ینہ مجیدیه یکر می غروش اولق اوزره یوز پاره یه هر یرده صاتیلور درج اولنه جق اعلاناتک)
(هر برندن بر مجیدیه اخذ اولنور سنہ لکنه مشتری اولق استیانلر عدلیه نظارتی داترسنده کان)
(جریده محاکم اداره سنہ مراجعت ایلملیدر)

پرزرین سنجاغنده بر تجارت محکمه سی تشکیل
وتأسیسنه تحقق ایدن لزوم اوزرینه اولبایده
لازم کلان معاملات نظارت جلیله جه در دست
اجرا بولمشدر

قسمت سهی

توجیہات

- (مرعیت احکامنه بالاسنتیدان اراده سنیه)
(جناب پادشاهی شرف تعلق بیورلش اولان)
(سبج نفوس نظامنامه سنک تعدیلاً قلمه النان)
(دردنجی ماده سی صورتیدر)

اشقودره ولایتی استیناف محکمه سی مدعی
عمومیلکی دیار بکر ولایتی بدایت محکمه سی جزا
دائرة سی ریاستندن مستعفی عزت بکه توجیه
بیورلشدر

هر شخص اموال غیر منقوله بیع و فراغ و انتقالنده و بر
مأموریت و خدمته انتخابنده و پوایس معاملاتنده

ومرور تذکره سی وپساپورط اخذنده و منا کحاتده
نفوس تذکره سی ابراز ایتکه مجبوردر
کوستره مدیکی حالده خصوصات مذکورہ ننگ
اجراسی سچل نفوسه قید اولدینغی مبین تذکره
اخذ ایدنجیه قدر تأخیر اولنور و بو قیدسزلق
برسبب و عذر مشروعه مبتنی اولدینغی اداره تین ایلر
ایسه نفوس مکتومه دن عد اولنورق بر مجیدی
جزای نقدی اخذ ایدیلور و سرد ایتدیکه مذرنگ
مشروعیتی اداسیه لازم کلان جزای نقدی بی
ایفادن امتناع ایدنلر مجالس اداره به کوندریلور
واسنان عسکریه داخلنده اولوبده سچل نفوسه
اسمعی قید ایتدیر مامک ایچون اخفقا ایلدکری
حکماً تحقق ایدنلر بلا قرعه عسکره النور
فی ٤ ذی الحجہ سنه ٣٠٤
وفی ١٢ اغستوس سنه ٣٠٣

یکن اوچبوز ایکی سنه سی مارتی ایتداسندن
شباطی نهایتنه قدر بر سنه ظرفنده بک اوغلی
بدایت محکمه سی جزا دائره سنه تودیع اولنسان
مواد جرمیه ننگ مقداری اوچ بیک درتوز التمش
عدده بالغ اولدینغی دائره عدلیه جه انسان
معلومات رسمیه دن اکلاشیلور مصالح مذکورده دن
اوچبیک درتوز قرق عددینک سنه مذکورہ
ظرفنده معاملات ایجابیه سی ایفا اولنورق یالکز
یکرمی ایشک سنه حالیه رومیه دور ایدلش

اولدینغی دخی بالتحقیق تین ایدیه بور سال حال
مارتی ایتداسندن ٢٣ تموزه قدر گذران ایدن
درت آی یکرمی اوچ کون ظرفنده محکمه
مذکوریه ورود ایدن دعاوی جرمیه بیک
اوچبوز الی عدده رسیده اولش ایکن بونکده
بیک یوز یتش ایکیمی تحت حکم و قرار التمش
اولدینغیده ثابت اولبور

مستنطق اعضانک محکمه مذکوریه تاریخ مینلری
اولان فی ٦ مایس سنه ٣٠٢ تاریخنده
کندولرینه دوراً تودیع قلنان بیک بشبوز یتش
وسنه مرقومه شباطی نهایتنه قدر حواله اولنسان
ایکی بیک ایکی واشبو اوچبوز اوچ سنه سی
مارتی ایتداسندن سنه مرقومه تموزیک یکرمی
اوچنه قدر درت ماه یکرمی اوچ کون ظرفنده
حواله ایدیلان بیک ایکبوز اون ایکی عددکه جمعاً
درتیک یدی یوز سکسان درت عدد مواد
جرمیه ننگ درتیک درتوز اتوز التمش رؤیت
اولنوب یالکز اوچبوز قرق سکز ایشک در دست
تدقیق اولدینغی تحقیق قلنشدر

بک اوغلی جزا دائره سی رئیسینک همت مصروفه سی
شایان ثنا اولدینغی کبی اعضای محکمه دن رفتلو
واحرام بک و ثابت افندینک و مستنطق اعتمادن
عزتلو جمال و ناظم و سامی بکار ایله شوقی هاشم
افندیلرک ریاست مومی الیهادن ویریلان معومات
رسمیه ایله تحقق ایلدیک و جهله مصالح واقعہ ننگ
تسریع معاملاتی خصوصتده بوضورتله مصروف


قسم غیر رسمی

اولان همت و غیر تلمی مستلزم کمال ممنونیت
نظار پیناهی اوله رق مومی الیهکم مساعی واقعہ لری
فی ٢٢ اغستوس سنه ٣٠٣ تاریخلی تذکره
علیه ایله تقدیر بیورلشدر

(محکمه تمیز حقوق دائره سی)

دو اثر رسمیه دن ارسال اولنسان تحریرات عمومیه
مألنک قانونک حکم و تأثیرینه خلل ویره میده جکی حقنده
محکمه تمیز حقوق دائره سندن فی ١ ذی الحجہ
سنه ٣٠٣ وفی ١٨ اغستوس سنه ٣٠٢ تاریخ
و ٢٨ نومرولی اعلامک درکار اولان اهمیت
قانونیه سنه مینی عیناً درجنه مسارعت قلنور

عشاق مقاولات محرری محمد افندین جزای
نقدی تحصیلنه دائر عشاق تجارت محکمه سندن
ویریلان فی ٢١ نیسان سنه ٣٠١ تاریخلی
مذکره ننگ بو مثللو جزای نقدی استحصالنه دائر
صادر اولان قرارر علیهنده وقوعه جحق
اعتراضانک مرجع رؤیتنی مبین نظامنامه ننگ
ایکنجی ماده سنه استناداً تمیزاً تدقیق مومی الیه
محمد افندی جانبدن اعطا و محلندن با تحریرات
ارسال اولنوب باش مدعی عمومیلک مأموریت
علیه سندن بر قطعه مطالعه نامه ایله محکمه تمیز
حقوق دائره سنه تبلیغ قلنان عرضحال و متفرعاتنده
استدعا قلنغله نظامنامه مذکورک سکرنجی ماده سی



حکمنه توفيقاً اوراق مذکورہ بالمطالعہ تدقیقات
تمیز بہ اجرا سنہ ابتدار اولندی

مذکور مذکرہ نیکہ مفادی بہر قنطاری اوتوز
بشر غروش حسابیلہ اوچبوز قنطار دن بشیوز
قنطارہ قدر پلاموط مبايعه سنہ دائر معاينہ اولنان
بر قطعہ مقالہ سندی عادی ورقہ بہ محرر اولدیغی
ومو می الیہ محمد افندی بہ لاجل التصدیق اراءہ
اولنسی اوزرینہ سند مذکورک ورقہ مقطوعہ بہ
یازلسی لازم کله جکنہ ذهاب ایله یالکز اون
غروشلق پول وضعیلہ بر بچق ایرہ جزای نقدی
اخذ واستیفاییش ایسہ سہ سہ مذکور رسم
نسبی بہ تابع اولسق و حاوی اولدیغی مقالہ
خصوصی بر قایج جہتی شامل بولمسنہ کورہ
الک زیادہ رسم استیفاسنی التزام ایدن جہتہ
اعتبار اولنق لازم کلور ایکن مأمور مو می الیہک
رسم مقطوعہ تبعیلہ یالکز بر بچق ایرہ جزای
نقدی اخذ ایتمی اولبایدہ عدلیہ و تجارت نظارت
جلیلہ سنک فی ۲۶ اغستوس سنہ ۹۰ وفی ۵
نيسان سنہ ۹۵ تاریخی تحریراتلری احکامنہ
ورسم تمغا نظامنامہ سنک ایکنجی مادہ سنہ معایر
اولدیغی بیانیلہ نظامنامہ مذکورک یکرمی بشنجی
مادہ سی حکمنہ توفیقاً النہ جق جزای نقدینک
اوج مثلی اولان بیک بشیوز یتش بش غروشک
جزای نقدی اولہرق مو می الیہ محمد افندی دن
تحصیلنہ قرار ویرلدیکندن و مستدعی محمد افندی دنک
قرار مذکور علیہندہ کی اعتراضی دخی حکمہ جہ

استناد اولنان تحریرات احکامنک قانون قوتنی
حائز اولدیغی حالده بونلرہ استناد ایلمسی مغایر
قانون اولدیغندن بحثلہ قرار مذکورک نقضی
استدعاسندن عبارت و مأموریت مشار الیہان
تبلیغ اولنان مطالعہ نامہ دخی قرار واقع بر طاقم
محررات عمومیہ عتیقہ مندرجاتہ مستند ایسہ
با ارادہ سنہ نشر اولنمیان محرراتک قانون حکم
وقوتنی حائز اولہ میہ جغنی درکار ورسم تمغا
قانونندہ ایسہ تجار و افراد بیندہ عقد اولنان
مقاولات رسم مقطوعہ تابع اولدیغی مسطور
اولدیغنه مبنی اعتراضات واقعہ نک موافق قانون
اولدیغی محرر بولمشدر

ایجابی مذاکرہ اولندقدہ تمیز اولنان مذکرہ نک
نتیجہ مفادی معاينہ اولنان مقالہ سندنن لولابی
استیفا اولنان جزای نقدی نصاب قانونسنہ
اولماسنہ مبنی التمسی اقتضا ایدن جزای نقدینک
اوج مثلنک مو می الیہ محمد افندی دن تحصیلی
قراردن عبارت اولوب اشبو قرار علیہندہ
مستدعی محمد افندی دنک باشلوجه اعتراضی ایسہ
حکمہ جہ استناد اولنان تحریرات عمومیہ قانون
قوتنی حائز دکل ایکن انک حکمنہ توفیقاً کندیسندن
جزای نقدی تحصیلنہ قرار ویرلمسک قانونہ مغایر
ایدکی خصوصی اولہرق واقعا با ارادہ سنہ
مؤسس اولان رسم تمغا قانونی اقتضاسنجہ افراد
بیندہ منعقد مقاولات رسم مقطوعہ تابع اولدیغی
وسالف الذکر تحریرات عمومیہ قانونہ قارشی

حکم و تأثیر اولہ میہ جغنی درکار ایکن تحریرات
مزبورہ نک مدار حکم ایلمسی مغایر قانون اولہرق
مستدعی مو می الیہک اعتراضی شایان قبول
اولدیغی کبی بش مدعی عمومیک مأموریت
علیہ سنک مطالعہ سی دخی موافق نفس الامر
بولمش اولغلہ مذکور مذکرہ نک تقضیلہ نظامنامہ
مخصوصنک سکنجی و طقوزنجی مادہ لری
موجبجہ ایجاب ایدنلرہ تبلیغ اولنق اوزرہ
کیفیتک باش مدعی عمومیک مأموریت علیہ سنہ
تبلیغنه فی ۳۰ تموز سنہ ۳۰۲ تاریخندہ بالاتفاق
قرار ویرلدی

(حکمہ تمیز حقوق دائرہ سی)


طبع ونشر اولنان اعلانات تمغا قانونندہ تابع
بولدیغندن بونلرک عادی ورقہ بہ مطبوع بولنمسی
جزای نقدی استحصالی استلزام ایدر

غلطہ دہ قرہ کویدہ محمودیہ جادہ سنندہ ایکی
نومرولی خانہ دہ ساکن اغوب ارشاق افندی دن
جزای نقدی تحصیلنہ د بربک اوغلی برنجی
حقوق دائرہ سندن ۲۹ نيسان سنہ ۳۰۱ تاریخی
ایله ویریلان مذکرہ نک تمیزاً تدقیق مو می الیہ
ارشاق افندی طرفندن اعطا قلوب باش مدعی

عمومیک مأموریت علیہ سندن بر قطعہ مطالعہ
نامہ ایله حکمہ تمیز حقوق دائرہ سنہ تبلیغ
قلنان عرضحال و منفرعاتندہ استدعا قلمغلہ بومثلو
جزای نقدی استحصالی دائر صادر اولان قرار
علیہندہ وقوعبولہ جق حق اعتراضک مرجع
رؤیتنی مبین نظامنامہ نک سکنجی مادہ سنہ توفیقاً
اوراق مذکورہ بالمطالعہ تدقیقات تمیز بہ اجرا سنہ
ابتدار اولنہرق مذکور مذکرہ نک نتیجہ مفادی
مو می الیہ اغوب ارشاق افندی دن شرکت تصرفیہ
شرقیہ تشکیلیلہ استانبول جوارندہ قریہ تأسیس
ایتمک اوزرہ طبع ایتدرمش اولدیغی اعلان ورقہ
لرندن بیعیہ اداره سنجہ الہ کچور یلان بر نسخہ سنک
پولسرا ولدیغی کور یلرک ایفای مقتضاسی ضمنندہ
باتذکرہ نک اوغلی بدایت حکمہ سنہ ارسال قلمغلہ رسم
تمغا قانوننک ایکنجی و یکرمی ایکنجی مادہ لرینہ
توفیقاً ایکی پارہ نک پول وضعیلہ برابر مو می الیہ دن
یارم ایرہ جزای نقدی تحصیلنہ قرار ویرلدیکندن
واشبو قرار علیہندہ مستدعی ارشاق افندی دنک
خلاصہ اعتراضی مذکور ورقہ اعلاننامہ اولمیوب
شرکت مذکورہ نک محسنتندن و شرائط اساسیہ
سندن باحث بردعوتنامہ اولہرق بویله ورقہ نک
دخی رسم تمغا قانونہ تابع اولدیغنه دائر قانوندہ
برصراحت اولدیغی حالده کندیسندن جزای نقدی
تحصیلی حکم ایلمسی مغایر قانون اولدیغندن عبارت
بولمش و مأمورین مشار الیہانک مطالعہ نامہ سنندہ

دخی قرار معترض فیسه ورقه مذکورہ نک
اعلانامہ قبیلندن اولدیغنه بناقلنش ایسه ده رسم
مقطوعه تابع اولوق اوزره تمغا قانونده مصرح اولان
اعلانامہ بین الافراد اشاعه اولمق مقصدیله
دیوارلره و سائر محللره تعلیق اولسان اعلانامه لر
اولوب ورقه مذکورہ ایسه بر طرفه تعلیق
ایتدیرلماش وشو حالده بالاده مسطور قید قانونیه
داخل بولنماش اولدیغنه و بوقوله ورقه لردن
رسم تمغا تحصیلنه دائر قانون مذکورده بر کونه
صراحت کوریله مدیکنه مبنی قرار مذکور
علیهنده کی اعتراضک موافق قانون اولدیغی
بیان قلنش اولغله محکمه تمیز حقوق دائره سی
اسباب آتییه مبنی فی ۲ ابلول سنه ۳۰۲
تاریخی اعلامیله تمیز استدعاسی رد ایشدر
ایجابی مذاکره اولندقد تمیز اولنان مذکورہ نک
تیجه مفادی ورقه مذکوریه ایکی پارلک پول
وضعیله مومی الیه ارشاق افندیدن یارم لیره جزای
نقدی تحصیلندن عبارت اوله رق اشجو قرار
علیهنه مستدعی ارشاق افندیکن باشلووجه
اعتراضی ایسه مذکور ورقه رسم تمغا قانونه تابع
اولدیغی خصوصی اولوب حالبوکه بومثللو
اعلانامه لرک بلا استثنای رسم تمغا قانونه تابع
اولدیغی قانون مذکورک ایکنجی ماده سنده
مصرح اولسنه کوره قرار مذکور موافق قانون
اولدیغنه و اعتراضات واقعہ نقضی موجب
اولدیغی کی مطالعه مشروحہ دخی موافق

نفس الامر کوریله مدیکنه مبنی اعتراضات
مذکورہ نک ردیله مذکره مذکورہ نک تصدیقنه
فی ۲۸ تموز سنه ۳۰۲ تاریخده منقفاً قرار
و یرلش اولدیغندن نظامنامه مذکورک سکرنجی
وطقوزنجی ماده لری موجبجه ایجاب ایلنله تبلیغ
اولمق اوزره اشبو مذکره مأموریت مشارالیه یایه
تبلیغ اولندی



- (تواریخ مختلفه ده متعدد محللردن فعل سرقتہ)
- (جرأت ایتلندن طولابی مقدا محکمه جنایجه)
- (کورک جزاسیله محکوم بولنان شمیلی اسماعیل)
- (وقظتارجی ابراهیم ورضا و محمود و کور)
- (رأفتک محاکمه علیسه لری ضبطنامه سی)
- (صورتیدر)

تواریخ مختلفه ده متعدد محللردن فعل سرقتہ جرأت
ایتلندن طولابی مقدا محکمه جنایجه کورک
جزاسیله محکوم بولنان شمیلی اسماعیل و قظتارجی
ابراهیم ورضا و محمود و کور رأفت حکم لرنده و یریلان
اعلام اسباب قانونیه مبنی محکمه تمیز جزا
دائره سنک فی ۱۵ حزیران سنه ۳۰۳ تاریخی
وایکیوز اتوز اوج نومرولی اعلامیله نقض
ایدیله لرک اولباده کی اوراق فی ۲۸ تموز سنه ۳۰۳

تاریخنده محکمه جنایتیه اعاده قلمتدناشی
بالمطالعہ اصول محاکمات جزائیہ قانونک اوچبوز
قرقجی ماده سنه توفیقاً تشکیل طرفین ایله جهات
منقوضه نک اکیلی اوچبوز اوج سنه سی تموزینک
یکرمی سکرنجی صالی کوننه قرارلشدر لری
یوم مذکورده مرقومون اسماعیل و ابراهیم ورضا
و محمود و کور رأفت قانون دائره سنده حبس خانہ
عمومیدن کتوردیله لرک و کیلیری رجائی افندی یانلرنده
اولدیغی ومدعی عمومی معاونی عزتلو جدی افندی
دخی حاضر بولندیغی حالده مذکور محکمه تمیز
اعلامی ایله دفتر مخصوصندن اخراج ایتدیریلان
سابقه قیدلری ضبط کاتبی عزمی بکه قرائت ایتدیرلری
ذکر اولنان تمیز اعلامنک مالی اعلام مقدمه ده
اشخاص مرقومه دن اسماعیل و ابراهیم و محمود
مکرر اولدقلری کورک حقلرنده اولوجهله
جزا ترتیب ایلدش ایسه ده مکرر جزاسی تعییننک
جوازی محکومیت سابقه اعلامنک تصدیق
ایدلسننه متوقف اولدیغی حالده بو جهت تدقیق
ایدلدیکی کی دیگرلرینک سابقه لری تصریح
ایدلکسزین سبب شدت عد ایلدش ومدعی عمومی
جانبدندن مکررلر حقلرنده ایکی قات جزا تعیینی
ادما قلند یغی جهتله شو ادما یه قارشو مدافعه
استماع ایتک و سابقه لری قیودی کندولرنده
قرائت و تفهیم قلمتی اصول محاکمه تمیز ایکن
وجهتله دخی رعایت اولنماش ایدوکنه مبنی محکمه
جنایت اعلامنک نقضنه قرار و یرلدیکی و سابقه

قیدلرنی حاوی ورقه ده دخی اعلام سابقه صراحة
ذکر اولدیغی وجهله مرقومون اسماعیلک از مید
وشیله حوالیسندہ کشت و گذار و بعض کسانکی طو
توب صومیق فضیحه سنه اجتسار ایتسندن ناشی سکر
نفر رفیقیه و نیکده لی محمودک عثمان پاشانک
قوناغیله بار کیرجی حسینک اخورینه بالدخول
سرقتہ جرأت ایلدیکی ادما سیله اتهام اولنهرق
عند المحاکمه یالکز مذکور اخوره کیردیکی ثابت
اولدیغندن ایکی رفیقیه اوچر و رضانک معامله
جبر و شدت اجراسیله صرف توفیق افندیکن
اچده سنی اخذ و محال متعدد دن سرقتہ جرأت
ایتسندن طولابی التی نفر رفیقیه دردر سنه
مدنلره کورکه قونلرنه و قظتارجی ابراهیمک
حسن افانک خانه سنه دخول ایتسندن ناشی بر
سنه حبس اولسننه و محمد بک ایله یحیی افانک
خانه لردن سرقتہ تصدی ایتسی ملبسه سیله دخی
اوج سنه مدنله کورکه قونلسنه و کور رأفتک
دخی یالکز طلبه دن عبداللہ افندیکن جامع دن
قوندره سنی سرقت ایتکله برسنه و ماکف پاشانک
اخورندن رفیق علی ایله برابر سرقتہ تصدی
ایتسندن طولابی دخی بر سنه حبس اولنلرنه
جنایت و بدایت محکمه لردن قرار و یرلش و تواریخ
مختلفه ده بعضیلری اکمال مدت محکومه ایدرک
و بعضیلری ایام متعدده مسعوده ده مظهر عقو
عالی حضرت پادشاهی اوله رق سبیلری تخلیه
قلنش ایدوکنی و اشخاص مرقومه دن قظتارجی


ابراهيم ايله محمود حققرنده كى اعلاماتك فى ١٣
 وفى ٢١ ربيع الآخر سنه ٣٠١ تاريخلى
 و بيك يديوز يكرمى بش و بيك سكر يوز طقسان
 بش نومرولى اعلاملر ايله محكمه تمير جزا دائره -
 سندن تصديق قالدغيغنى و شمبلى اسماعيل حققرنده كى
 حكم هنوز قطعيت حالى كسب ايتديكى كى رضا
 حققرنده و يريلان اعلام دخى اسباب قانونيه به مبنى
 نقض ايدلديكى حالده مرقومك سببلى تخليه قلمش
 اولق ملبسه سيله اولبايده كى اورا قك
 دوسيه سنده حفظ ايدلديكى و كور رافتك ايسه
 بدايت جزا محكمه سندن تحت حكمه النديغنى مبنى او -
 لديغى اكلاشيله رق اشبوورقه مندرجائى مرقومون
 اسماعيل و ابراهيم و رضا و محمود و كور رافته
 تفهيم اولندقدن صكره بو بايده كى مطالعه سى
 موخى اليه جدى افنديدن صورلقدقه اعلام
 مقدمه نك جهت جزايه نقطه سندن نقض ايدلمش
 اولسنه نظراً اشخاص مرقومه حققرنده كى مجرميت
 قرارى باقى ايدوكندن بحثله بونلردن قنطار جى
 ابراهيم و محمودك محكوميت سابقه لرى محكمه تمير جزه
 تصديق ايدلمش و بناءً عليه مرقومان نظر قانونده
 مكرر بوللمش اولديغندن قانون جزانك ايكوز
 يكرنجى و سكرنجى و ديكرلرى حققرنده كى اعلامات
 هنوز قطعيت حالى كسب ايتماش اولوب مع
 مافيه فعلك تعددى اسباب مشدده دن عد ايدلك
 اوزره بونلرك دخى مذكور ايكوز يكرنجى
 ماده لرينه توفيقاً تعيين جزالرينى و مدافعه و كيلى

رجائى افندى دخى موكلرندن قنطار جى ابراهيم
 ايله محمودك مكرر اولملى حسييله حققرنده كى
 مقدماتر تيب ايديلان جزانك بقاسى طبيعى ايسه ده
 ديكرلرى حققرنده جزانك تشديدىنى ايجاب ايدر
 هيچ بر حال اوليوب انجق بونلرك افعال سابقه لرى
 وار ايسه ده و يريلان حكملر دائماً متهمرك لهنده
 اولق لازم كله جكنى و ذاتاً اعلام ساينده بونلرك
 مكرر اولديغى كوسه تريبه رك جزالرينك تشديد
 ايدلمسندن ناشى نقض ايدلمش اولديغنى باليسان
 تخفيف جزالرينى طلب ايتلملر يله مذاكره او طه سنه
 كلندى

معاون موخى اليه مطالعه سى وجهه اعلام
 مقدم تعيين جزا جهندن نقض ايدلمش اولديغندن
 مرقومون اسماعيل و ابراهيم و رضا و محمود
 و كور رافت حققرنده كى مجرميت قرارى باقى
 اولديغنه مبنى جهت جزايه لرى لدى المذاكره
 و كيلى موخى اليه رجائى افندى طرفندن بروجه
 محرر مدافعه ايديله رك اشخاص مرقومه دن
 اسماعيل و رضا و كور رافتك تخفيف جزالرى
 طلب ايدلمكده ايسه ده مرقومونك مندا عند
 المحاكمه ثابت اولان افعال سابقه لرى و بوكره
 مرتكب اولدقلى شوفعلك تعدد و قوغى حققرنده
 ترتيب ايديله جك جزانك تشديدىنى موجب
 احوالدين اولسنه و حكملرك متهملر لهنده اولسندن
 مقصد بر شخصك مرتكب اولديغى جايت فعلنك
 جنحه درجه سنه تزيلى و ياخود حققرنده
 ترتيب اولنه جق جزانك تشديدىنى موجب اولان
 احوالك محو و ازاله سى ديمك اولديغى طبيعى

بوللمسنه نظراً و كيلى موخى اليه بو بايده كى
 مدافعه سى مردود اولوب مرقومونك حر كترلى
 قانون جزانك ايكوز يكرنجى و سكرنجى ماده لرينه
 موافق اولديغنه و مواد مذكوره ده هر نقدر
 انسان اقامت ايدر محل اولسه و ياخود سكون
 محله متعلق بوللمسه بيله قبالى و ديوار ايله محدود
 اولان محللرك ديوار ينى دله رك و يا نردبان ايله
 اشدرق و يا الت مخصوصه ايله قپوسنى اچهرق
 خرسزلق ايدنلر موقتاً كوركه قونيلور و قانونك
 تعيين ايتديكى احوالدين ماعدا برلرده مكرر
 حققرنده جزا ايكى قات اوله رق حكم اولنور ديو
 محرر بولنديغنه بناءً بو حكملره توفيقاً و ابتداى
 توقيفلرى اولان اوچيوز اوچ سنه سى ربيع -
 الاولنك يكرمى اوچنجى كونندن اعتباراً بعد
 التشهير مرقوموندى اسماعيل و رضا و كور رافتك
 سابقه و تعدد فعللرى سبب شدت طوتيله رق
 بونلردن شو ايشدن طولايى موقوف بولنديغى
 صره ده فرار ايله درت كون قدر كزه رك محال
 سارنه دن ارتكاب ايتديكى سمرقنلردن ناشى دخى
 درت سنه كورك جزاسيله محكوم بولنان اسماعيلك
 مقدا محكوم اولديغى سكر سنه كورك جزاسينك
 تعديليه بش و رضا ايله كورك رافتك دردر
 و قنطار جى ابراهيم و محمودك مكرر اولملى حسييله
 كافى السابق التيشر سنه مدتلرله كوركه قونلر ينه
 وضبط و اعلام و استنطاق خرچلرى اولان بشيوز
 نيمش غروشك مرقوموندى تحصيليله عدليه و زنه سنه

تسليم ايتدبرلمسنه اوچيوز درت سنه سى
 ذى القعدة سنك يكرنجى و اوچيوز اوچ سنه سى
 تموز ينك يكرمى سكرنجى ككونى متفقاً قرار
 و يريله رك قانون موقتك ارائه و تعريف ايدلديكى
 وجهله تفهيمى اجرا و معاملات سارنه ايفا قلندى



- (املاك و بر كورلرينك قبضنه دائر اولوب)
- (و بر كو دائره سى طرفندن طبع ايتدبريله رك)
- (اصحاب املاكه اعطا قلمتقده اولان و بر كو)
- (تذكروه لردن اوچ قطع سنى تغيير و تحريف)
- (ايله حاجى ماردىروسك لغنه ده متصرف)
- (اولديغى خانه سنك ايكوز يكرمى درت)
- (غروشدن عبارت اولان و نسويه سى كندوسنه)
- (حواله قلنان املاك و بر كوسنى سكسان غروشه)
- (بالتزويل اولوجهله و زنه به تسليم ايدلديكى)
- (ادعاسيله مضمون عليه اولان و ساخته حوالات)
- (عسكريه ماده سندن طولايى مقدا اون سنه)
- (قلعه بندلك جزاسيله محكوم و محبوس بولنان)
- (حاجى عواديسك محاكمه علنيه سى ضبطنامه سى)

(صورتيدر)

املاك و بر كورلرينك قبضنه دائر اولوب و بر كو

دائرة سی طرفندن طبع ایتدیله رکه اصحاب املاکه اعطا قلمقده اولان ویرکوتد کر لرندن اوج قطعده سنی تغییر و تحریف ایله حاجی مار دیروسک لنگهده متصرف اولدیغی خانه سنک ایکویز یکریمی درت غروشدن عبارت اولان و تسویه سی کندوسنه حواله قلنان املاک ویرکوسی سکسان غروشه بالئیزیل اولوجهله وزنه یه تسلیم ایلدیکی اداسیله مظنون علیه اولان و ساخته حوالات عسکریه ماده سنندن طولایی مقدا اون سنه قلعه بندلک جزاسیله محکوم و محبوس بولنان حاجی عوادیسک جنایتله اتهامنه دائر هیئت اتهامیه دن تنظیم اولنان فی ۱۹ مایس سنه ۳۰۳ تاریخلی و یوز نومرولی مضبطه ایله استیناف مدعی عمومیلکنک فی ۱۶ حزیران سنه ۳۰۳ تاریخلی و یسک یدییوز یتش درت نومرولی اتهامنامه سی اوراق مترعه سیله فی ۶ تموز سنه ۳۰۳ تاریخنده محکمه جنایتله تودیع قلمقله بالمطالعه اصول محاکات جزایه قانونسک ایکویز قرق سکرنجی و ایکویز قرق طقوزنجی ماده لرینه توفیقاً مرقوم حاجی عوادیس ماه مزبورک یدنجی کونی حبسخانه عمومیدن جلب ایله استیجواب و مدافعه سننده معاونت ایتک اوزره بر وکیل انتخاب ایتدی تکلیف اولندوقده انتخاب ایده جک وکیلی اولدیغی سوتلسیله محکمه نزدنده بولنان دعوی وکیل لرندن رجائی افندی مرقومه وکیل تعیین قلمش وقانون مزبورک ادعای مفسوخیت حقنده اولان ایکویز

اللی برنجی ماده سی مندرجاتی اخطار ایدلمش اولدیغی مبین طوتیلان ضبط ورقه سی تحت امضایه الیدرلدی ادعای مفسوخیت ایچون معین اولان مدت قانونیه منقضیه اولغله مرقومک اجرای محاکمه سی اوچویز اوج سنه سی تموزسک اون دردنجی صالی کونته قرارلش دیرلدی یوم مذکورده قانون مزبورک ایکویز التمش اوچنجی ماده سنه توفیقاً متهم مرقوم حاجی عوادیس حبسخانه عمومیدن کتوردیلرک وکیلی رجائی افندیک معذرتنه مبنی کله مدیکی جهتله مرقومک موافقتی اوزرینه وکیل تعیین ایدیلان حاجیک افندی یاننده اولدیغی و مدعی عمومی معاونی عزتلو جدی افندی دخی حاضر بولندیغی حالده علناً اجرای محاکمه به بالابتدای مرقوم استیجواب اولندوقده و انلی ویکرمی بش یاشنده اولوب مقدا صرافلق ایتکده و شمعی حبسخانه عمومیده محبوس ایدوکنی سوتلکله کندوسنه وکیل مومی ایله حاجیک افندی به قانون مذکورک ایکویز التمش دردنجی و ایکویز التمش بشنجی ماده لرلی مدلولاتی اخطار اولندوقدن صکره اتهام مضبطه سیله اتهامنامه ضبط کاتبی مزیمی بکه قرائت ایتدیرلدی (مابعدی وار)

اعلان

بیوک چکمه دیون عمومیه اداره سنک توتون اعشار التزامدن طولایی کفیل بولنان قصبه مزبوره تابع چقماقلی قریه لی متوفی حاجی یعقوب افا کریمه سی امینه خانم ذمتنده کی الاجغنسک استیفا سیچون مزبورنک تصرفنده بولنان بیوک چکمه حدودنده سکودلک موقعنده اون بش نومرولی عتیق اوتوز دونم بر قطعده ترلا سنک تکمیلله چقماقلی قریه سی چقماقلی اراضی سنندن ارپه لقی دینکله عریف ایکی نومرولی یتش دونم ترلانک نصف حصه شایعه سی محجوزاً اون بش کون صکره مزاده قونیله جغندن ظهور ایده جک طالبلرک بیوک چکمه بدایت محکمه سی اجرا مأمور لغنه مراجعت ایتلری اعلان اولنور

فی ۸ اغستوس سنه ۳۰۳

خدینجه خانمک در سعادت بدایت محکمه سی برنجی حقوق دائره سنندن اعطا قلنان فی ۶ نیسان سنه ۳۰۱ تاریخلی و قرق طقوز نومرولی بر قطعده اعلام موجبنجه محلجی حسین افا ذمتنده محکوم به الاججی اولان مبالغت تأمین استیفا سیچون مدیون عهده سننده اولوب دایته نک طلب واستدعای

اوزرینه تحت حجزه الیدرلمش اولان ایوب سلطان جوارنده اولیجه بابا محله سننده بلبل دره سننده واقع تخمیناً یوز اللی ارشوندن عبارت اوتوز نومرولی بر قطعده عرصه تمامیه تخمیناً اوج بیک ارشونی متجاوز و دروننده ایکی عدد قاریوسی محتوی اوتوز ایکی نومرولی خراب باغ محلی نصف سنک تاریخ اعلانن اعتباراً اون بش کون صکره بالمزایده فروخته تشبث اولنه جغنی در سعادت مرکز اجرا دائره سنندن اعلان اولنور

فی ۸ اغستوس سنه ۳۰۳

نیشانک نومرولی اعلام موجبنجه حاجی خازاره دینی اولان معلوم المقدار مبالغت تسویه سی ضمننده قاسم پاشاده جامع کبیر محله سننده سل قپوس سننده واقع اون سکز ویکرمی ویکرمی ایکی نومرولی دکاندرده متصرف اولدیغی نصف حصه لرلی عند المزیایده ایکی بیک طقوز یوز و محله مذکورده چیویجیلر قاغنده اون بر نومرولی دکانده اولان نصف حصه سی دخی ایکی بیک یدی یوز غروش بدل ایله طالی عهده سننده تقرر ایلدیکندن تاریخ اعلانن اعتباراً اوتوز بر کون ظرفنده مذکور بدلار اوزرینه یوزده بش ضمیمه

طالب اولنلرك بك اوغلى بدایت محكمه سی اجرا
مأموریتنه مراجعت ایلری اعلان اولنور

وفي ٨ اغستوس سنه ٣٠٣

ارپه جی متوفی سلیمان افندی ورثه نك در سعادت
بدایت محكمه سی برنجی حقوق دائره سندن ویریلان
اعلام موجبجه متوفانك برادری ورثه سی وصیسی
متوفی محمد اوزورثه سی ذمتلرنده الاجقعلری اولان
مبالغ معلومه نك تسویه سیچون فروختی محكوم
بولنسان ایوبده جزری قاسم پاشا محله سنده
چو ملكچیلر جاده سنده كائن چو ملكچیلر فرونی
دیكله عریف اون ایکی نومرو ایله مرقم التي
خروس اتمكچی وبر خروس اونجیکه جمعاً یدی
خروسلی بر باب دكرمان دروننده مستقر یكرمی
درت رأس اتمكچی ودرت رأس بارکیر اونجیکه
جمعاً یكرمی سكر بار کیر حصه سندن اوج سهمی بوندن
اقدام بالزایده لیرا یوز غروش حسابیله التي بیک
غروشده طالبی عهده سنده تقرر ایتكله بوندن
زیاده یعنی یوزده بش ضمیمه طالب اولنلرك
ودها زیاده معلومات المتی استیانلرك در سعادت

مرکز اجرا دائره سنه مراجعت ایلری اعلان
اولنور

في ١٠ اغستوس سنه ٢٠٣

بیوك چكجه قضا سنده قلیقراطیه کریاقو
افندیك قومبر غوس قریه لی طریانده فیل اوغلی
کریازی ذمتلرکی الاجفنگ تحصیلی ضمنده
مدیونك قومبر غوسنده کره مید دره موعنده اوج
نومرولی عتیق ایکی دونم کروی ملك باغله
موری به موقعنده عتیق التي دونم ترلاسی ججز
ایدیلوب تاریخ اعلاندن اون بشکون صکره مزاد
ایدیله جکندن ظهور ایده جک طالبلرك بیوك
چكجه اجرا مأمورلغنه مراجعت ایلری اعلان
اولنور

في ١١ اغستوس سنه ٣٠٣

اجرا دائره سنه مراجعت ایلری اعلان اولنور

في ١١ اغستوس سنه ٣٠٣

حویارچی یوانك $\frac{٢٠٢}{٣٨}$ نومرولو غیاب اعلامی مو.
جببجه مقبوله خانم دینی اولان معلوم المقدار مبالغك
تسویه سیچون غلطه ده یکی جامع شریف محله سنده
فرمنه جیلر جاده سنده یوز و یوز بر نومرولو ایکی
باب دکانلرده یوز یكرمی اچقه اعتباریله متصرف
اولدیغی اون بچق اچقه سی تاریخ اعلاندن اعتباراً
اون بشکون صکره بالزایده فروخت ایتدیریله جکی
بك اوغلی بدایت محكمه سی اجرا مأموریتی
جانبندن اعلان اولنور

في ١٠ اغستوس سنه ٣٠٣

بیوك چكجه قضا سنده قلیقراطیه کریاقو افندیك
قریه مزبورلی متوفی غوریل ورثه سی ذمتلرکی

بچوان اصنافندن مانولك در سعادت بدایت
محكمه سی برنجی حقوق دائره سندن في ١٢ مایس
سنه ٣٠٢ تاریخی ویریلان اعلام موجبجه
اونجی قسطاکی زوجیه سی کیر یا کیوپه قادین
ذمتلرکی الاجغی بولنسان مبالغ معلومه نك تأمین
استیفاسیچون مزبورلر عهده سنده اولوب نحت
ججزه الديریلان حاصکویده کیر متجی احمد چلبی
محله سنده یوز اوتوز التي نومرولی دكانك ملكیله
یوز اوتوز سکر و یوز قرق و یوز قرق ایکی
نومرولو دكانلرك محل مذکورده ستوی زوقاغنده
طقوز نومرولو بر قطعه عرصه نك ملك
و کدکندن ربع حصه لری بوندن اول مزایده
بخیقارلمش اولنسان مزایده نتیجه سنده مذکور یوز
اوتوز التي نومرولو دكانك ربع ملك حصه سی لیرا
یوز غروشندن اولمق اوزره بشیوز غروشده
و یوز اوتوز سکر نومرولو دكانك ملك و کدکندن
ربع حصه سی کذالك لیرا یوز غروشندن اولمق
اوزره یدییوز غروشده و یوز قرق نومرولو
دكانك ملك و کدکندن ربع حصه سی بیک التي یوز
غروشده و یوز قرق ایکی نومرولی دكانك ملك و کدکندن
ربع حصه لری بیک یدییوز غروشده و مذکور
طقوز نومرولو عرصه نك کذالك ملك و کدکندن
ربع حصه لری بیک یوز الی غروشده طالبی
عهده سنده تقرر ایتش اوله جغندن بوندن زیاده
یعنی یوزده بش ضمیمه طالب اولنلرك تاریخ اعلاندن
اعتباراً اوتوز بر کون ظرفنده در سعادت مرکز

الاجفنگك تحصيلچون ورثة مزبوره نك وارثه
متصرف اولدقلى قريه مذكوره زردبان زقاغنده
طرفلى اندريقواوغللى خانه سى وهاجى استاورى
مغازه سى وطريقه محدود برباب خانه وويران چشمه
موقعنده طرفلى صماقولى يوركى وسلچو اوغلى
باغلى وفوطى ترلاسى وطريقه محدود ايكبيك
كتوك باغ تاريخ اعلانن اون بشكون صكره
مزاد ايديله جكنندن ظهور ايدجك طالبلك
بيوك چكچه اجرا مامورلغنه مراجعت ايتلى
اعلان اولنور

في ١١ اغستوس سنه ٣٠٣

واشجى دكانده مستقر كبايجى وخوشايجى
كدكنك يوز يكرمى سهم اعتباريله مديون مرقومك
متصرف اولديغى اون بش سهمك فروختى استدا
اولمش ومديون مرقوم خرستونك عمل اقامتى
ارائه اولنسه مديغى جهته اخبار ناه سى تبليغ
ايديله مامش اولديغندن اجرا قانون موقنتك يكرمى
طقوزنجى ماده سنه توفيقاً تاريخ اعلان اعتباراً
طقسان بركون ظرفنده اثبات وجود ايتسى لازم
كله جكي ايتديكى صورتده امتناعى بحق ايتسى
ايجاب واقضنا ايدجكندن مدت مذكوره دن
اون بش كون صكره مذكور اون بش سهم حصه
شايعه نك بالمازايده فروخته تشبث ولنه جىغى
درسه عادت مركز اجرا دائره سندن اعلان
اولنور

في ١٥ اغستوس سنه ٣٣

متوليه شريفه نفيسه نافعہ خانمك درسه عادت
بدایت محكمه سى برنجى حقوق دائره سندن اعطاقلنان
في ١٤ مايس سنه ٣٠٢ تاريخلى اعلام موجبجه
خرستو ولد اطام ذمتنده الاجغى بولنان مبالغ
مقابلنده مرهون وفروختى محكوم اولان پرمق
قپوده امين بك محله سنده ليكه جى زوقاغندد كائن
فوقنده بر اوپه وبر صوفه وارقه طرفنده تحتنه
پرده ايله تفريق ايدمش اللى ارشون مقدارى
ارالغى مشتمل اون اوج نومرولو اشكبه جى

يونان دولتى تبعه سندن قوزمه نام كسنه نك اجند
بك ايله امينه خانمه اولان ديون محكوم سنىك
تسويه سچون بوندىن اقدام موقع مزايده قونيلان
بشكطاشده كوى ايچنده امامزاده زوناغنده يكرمى
طقوز نومرولو ايله مرقم دروننده ر اوپه وبر

محزن ومشمولات سائرهبى حاوى برباب ميخانه
كدكى عثمانلى ليراسى يوز غروش حسابله اون
در تبيك بشيوز غروشده طالبى عهده سنده قالمش
وتاريخ اعلانن اعتباراً اوتوز بركون يعنى كله جك
ايلولك اونبرنجى چعه كوفى ساعت اونه قدر
يوزده بش ضم قبول اولنسى و ذكر اولنان يوم
وساعتده صوك مزايده سى بالاجرا قرار قطعيسى
ويريله رك طالبى عهده سنه يكورلسى مقرر بولمش
اولديغندن واندىن صكره هر نه ضم وقوعبولور
ايسه قبول اولنميه جغندن مذكور كديكه يوزده
بش ضميمه طالب اولنلك ودها زياده معلومات
المق استيانلك مدت مرقومه ظرفنده محكمه
تجارت اجرا دائره سنه مراجعت ايتلى ويوم
ووقت مزبورده محل مذكوره حاضر بولنملى
اعلان اولنور

في ١١ اغستوس سنه ٣٠٣

حسن افانك درسه عادت بدایت محكمه سى برنجى
حقوق دائره سندن في ٦ مايس سنه ٣٠٣
تاريخلى ويريلان اعلام موجبجه يوسف افندى
ذمتنده الاجغى بولنان مبالغ معلومه نك تأمين

استيفاسچون مديون مرقومك متصرف اولديغى
صالحه طهرق جوارنده كان كاش قره مصطفى پاشا
محله سنده راصدقلى زقاغنده كائن اوج اوپه
بر صوفه وبشقه جه مطبخى حاوى وتحميناً يوز
سكسان ارشون مقدارى بغيجه يى مشتمل التى
نومرولو برباب خانه تمامنك تاريخ اعلانن اعتباراً
اون بش كون صكره فروخته تشبث اولنه جغندن
طالب اولنلك درسه عادت مركز اجرا دائره سنه
مراجعت ايتلى اعلان اولنور

في ١٢ اغستوس سنه ٣٠٣

قادتقو قادينك بك اوغلى $\frac{21}{110}$ نومروسيله مقيد
اولان اعلام موجبجه ماويان اغوب افندى به
دينى اولان معلوم المقدار مبالغك تسويه سى
ضمننده محجوز اولوب فروختى مقرر اولان
غراتون بصمه دن معمول كوشه مندري مع بصديق
عدد ٢ مستعمل كچه يكرمى ارشون مقدارى
مستعمل اوتوز ارشون مقدارى بوروكسل حاليسى
فرنك حاليسى يكرمى ارشون مقدارى بياض چينى
صوبه مع طاقم عدد ١ مرمرلى لاوومانو عدد ٢

قضا سنده تابع اندینلی قریه سنده کوی قارشو سی
 موقعنده واقع اون بر نومرو ایله مرئم و طرفلری
 ولی وجیر قوچ نام دیگر اسماعیل رقه-وه-جی
 یوسف اوغلی علی و بوزاجی حسین غارک تحت
 تصرفلرنده بولنان باغلا ایله محدود دروننده
 کروم مغروسه و اشجار مثره بی حاوی تخمیناً
 عتیق اوچ دونم مقداری بر قطعه بانک اشیر
 تاریخ اعلاندن اعتباراً اون بش کون صکره
 بالزایده فروخته تشبث اولنه جغندن طالب
 اولنلرک و پی سورمک استیانلرک مدت مذکورہ
 ختامندن صکره در سعادت اعلامات شرعیہ اجرا
 دائرہ سنده مراجعت ایللری

فی ۲۴ اغستوس سنه ۳۰۳

تحتہ مصہ عدد ۱ تیمور قاریوله مع مندر عدد ۲
 صابونلق بیاض عدد ۴ چینی ال شمعدانی عدد ۱
 توتون طبلہ سی عدد ۱ البسه آصغیسی عدد ۲ صغیر
 لمبه عدد ۲ قورنش مع طره پاریه عدد ۲ چینی بیاض
 بارداق عدد ۱ قومودینا مرمرلی عدد ۱ حصرلی
 صندالیہ یو اراق عدد ۴ اوچپوز اوچ سنده سی اغستو
 سنک یکر می التجی چهارشنبه کونی ساعت اوچ
 راده لرندہ غلطہ ده بات بازارندہ بالزایده فروخت
 اولنه جغندن ایستک ایدنلرک تعیین اولنان یوم
 و ساعتہ محل مذکورده موجود بولنملری
 بک اوغلی بدایت محکمہ سی اجرا مأموریتی جانبدن
 اعلان اولنور

فی ۱۵ اغستوس سنه ۳۰۳

محمد کامل افندینک حاجی محمد افندی ذمتندہ
 روم ایلی صدارت علیہ سندن صادر اولان فی
 ۶ جاذی الاول سنه ۳۰۴ تاریخلی برقطعه
 اعلام شرعی موجبہ الاجفی اولان مبالغ
 معلومہ نک تأمین استیفاسی ضمنندہ مدیون مومی
 الیهک عہدہ سنده اولوب محجوز بولنان ککبوزہ